

續修四庫全書



《續修四庫全書》編纂委員會編

續修四庫全書

上海古籍出版社

三八五・史部・編年類

東華續錄二百二十卷(光緒一百四十一至光緒二百二十)

〔清〕朱壽朋撰

2283/05

東華續錄 三

〔清〕朱壽朋 撰

據復旦大學圖書館藏清宣統元年上海集成圖書公司鉛印本影印原書
版框高一五二毫米寬二二〇毫米

宜迅速了結毋使朝廷久懸西顧之憂將此由四百里諭令知之欽此欽遵先後寄信前來仰見 聖主訓誨周詳慎重邊疆之至肅跪聆之下愧悚莫名查昨日將查辦德格後及老土司病故請予其長子以屯守備仍管理其土地而隸於漢官緣由具奏嗣奉 旨毋庸改流又欽遵將土司長子及其家屬分別先後釋回明在案所有下屬辦德格老土司詳細情形再為我 皇上續陳陳之查該老土司側旺多吉羅作節婦女為婦生長子春吉色其婦又私通頭人森生一子即翁昂降降仁青也該老土司政令無常始而其婦與之不睦繼又有頭人數名為其所深惡其婦因與此數頭人合謀勾結暗害官對堆等古於光緒十八年帶兵至德通於其婦遂將老土司毆之德西一隅之地而立其森生之子為土司其子春吉色頗人其孝謹願隨其父居於德格土司遂為暗害奪廷今已五年矣追贖對收復日派委員張繼帶營駐德格該老土司遺人赴訴於張繼而老土婦及其同黨頭人賴失暗害依據內不自安亦冀重帶赴張繼處甘言結納以覬覦張繼因德地市復事須穩慎遂不動聲色於兩造均皆撫慰各遣一歸一面將詳細情形稟報到 聖上當諭以暗地暗殺後再酌度情形相繼往辦本年二月張繼即親率弁勇問道往先經德西地方該老土司出見申訴求展辦其婦及頭人張繼細詢情形知該老土司與其土婦同黨頭人有不兩立之勢因勸令離地歸誠俟漢官勘定仍

東華續錄 光緒一百四十一

可予以土職而安其故土該老土司當即具結允從彼時若不使該老土司暫離其地則其婦及黨惡頭人以爲老土司復位必肆報仇威懼難免不糾眾抗拒事轉實手張繼陽為不直其詞先將老土司父子送至暗對暫住得以乘勢直入其官寨奪獲土婦及其逆子一併解暗而安撫其頭人乃得妥籌善後臣以派員往暗對提訊恐難得實故飭令解德山離解省於老土司父子則置暗對暫給賞需於土婦母子則監禁以示區別原擬訊明分別釋回則往返之間德格善後大局已定而老土司可以屯守備之職而隸於漢官是該老土司失於暗對之地仍得復保其故土其宗祀不至始終受制於悍婦逆子既以 朝廷仁厚之恩又以扼邊疆形勢之要此 聖心籌辦之實情特此中情節曲折煩瑣勢難一一殫陳 天聰非敢以土司家庭細故而勒令改流也且雖至過何敢擅輕心而誤邊疆事顧念該老土司孔棘隱憂日甚昔年清邊土司因漢官平日漫不經心致令私附於緬甸迫使人提納達藉口全行爭佔前鑒不遠今暗對近川疆自應嚴密威各土司附從以致關外各土司不不知焉 天朝屬地今德格老土司既因暗官迫其婦而廢其職豈非歸誠此經建文武扼其險要且展修電線必取道其地以達二十九族而至藏中為鞏固藩籬之計藉以仰副上年奉 行籌辦關外設立重鎮之深意庶可以近固川疆遠懾敵愾故不憚苦心經營費度籌辦均經先後奏明在案區區微忱誠欲同恩隨而

明後患至謂各土司有不安之象實因德格所屬部落名維竹卡者近年為察木多番僥倖佔其人民土地此次張繼到德派人前往傳喚久不至返至向精詞狡辯察木多經親往問導亦已聽命思事而察木多之僥倖已惡究其使地之罪乃布散謠言以惑人心 當即出示曉諭安各土司勿信浮言早經 聖上諭令各土司為德格所僱納貢上時復糾眾出擾與明正年耳聞各土司之不安實其今 聖上改正恭懷 天威德格改流因謠傳小有不安亦易傳微而定文海乃謂大有後患臣實不解土司而外則藏番後患實大土司而仍歸內屬後患何有臣提著老土司父子並無怨詞如實係被誘何敢藏默不 聖上語編譯供詞往往錯謬幸幸古色頗能手書番字 所訊供詞皆其自書存卷可查且德格全境道里賦稅未及兩月均已查清如人心不服何以遵辦若此之易此不待辯而自明難逃 聖主鑒察者也 聖主西顧之憂特以此風一經傳播最土司之輕視長藏番之刁前駐藏大臣文海和於後以致上座 聖主西顧之憂特以此風一經傳播最土司之輕視長藏番之刁風以後邊務更難措手此微臣反躬自咎而亦不能不詳陳實情者也惟文海懼於入藏遲遲經年乃藉稱土司滋事張大其詞巧遂其遷延之計事關川藏大局臣不敢稍涉欺飾可否仰懇 天恩迅飭新任督臣來川查明實情妥籌辦理並將張繼一案一併飭交臬公堂辦理以昭平允之處伏候 聖裁至於三

東華續錄 光緒一百四十一

藏番被兩事皆從前案因關外既設措措不得不一律經辦且巴塘教士市經往建堂而三嚴府時不時出劫一旦殃及教士又堪痛恨故就搶擄之案儘以兵威期免後患刻已據委員精志文提督護國秀稟報破其匪巢剿撫無施不日即可告竣乘機寺則久與夷墻僧俗仇殺案疊多年此次李朝福前往查辦察其匪蹤深入藏詞請賞致激而被賊該寺僧特險實屬本自守之賊非出擄劫者可比不足以煩大兵惟擬其要隘隨時開導相機擒獲乘船再行結案仍可徐圖也微臣受 恩深重未報涖埃今以奉職無狀難集近尤乃蒙 皇上逾格鴻慈不加嚴譴僅令開缺來京備責感懷深愧念川藏安危所關甚重謹將實在情形稟陳上陳不敢稍涉欺飾奏入不報 辛亥 上幸頤和園請 慈訓端伯廣順昭豫莊親王奏款獻崇熙皇太后前請安駐蹕○壬子 上還宮○癸丑廣西巡撫史念祖奏事革職○論軍機大臣等有人奏蒙古郡王貪婪橫暴據實糾參一摺據稱昭烏達盟盟長郡王達木林達爾達克以練兵為名殺掠漢民苛派勒索縱令聚升橫行聚斂並有殺死佃民幾人命控案又捏稟公主圖謀被焚請款等情詎理藩院越次請補副盟長之缺購買洋銀浮開價值勒令各旗攤辦請飭查辦等語著薩隆按所等各節確切查明據實具奏并將昭烏達盟盟長給閱看將此諭令知之○甲寅諭毓寬等奏估修倉廩需用工料銀兩請飭撥款一摺永濟倉廩庫房間多有坍塌自應及時修理所需工料銀兩

四

籌直隸總督轉飭藩司如數借撥以濟要工○諭毓寬等奏永濟庫租銀各州縣積欠甚鉅請飭嚴催開
單呈覽一摺永濟庫每年額撥租銀開放公項均關緊要近年以來各州縣徵解租銀任意拖欠以致不
敷給發著直隸總督按照單數目勒限嚴催迅速解解嗣後不准再有拖欠以清庫儲○孫毓汶奏請
武場停試刀石改用鎗礮以備將才得旨著兵部議奏尋部議以士子演習火器有干禁例格不行
冬十月丁巳朔時享太廟上親詣行禮○上幸頤和園諸慈福端佑康頤昭豫莊誠壽恭欽獻崇
熙皇太后前請安○恩賞○鹿傳霖奏川省礦務上年經旨延聘精於礦學之廣東人候選同知唐星球
奉令前赴都主事指陞知府曹德試試用知縣呂森會同前往勘明覽覽屬屬哈等處金礦可以開採議
定官商合辦由成綿道王煥下濬撥銀十五萬招商集股十五萬共三十萬兩購運機器來川開辦前
經奏明在案現已於本年八月運到機器足供開辦之用當飭唐星球前往開辦派委補用道賴鶴年候
選知府徐麟光充當礦務總辦一俟試辦果否有效再行詳報具奏此外試辦各處銀銅各礦均無成效
惟打箭爐銀礦向敷工本若以後辦理得法尚可稍有利益又大穴山銀礦據礦師查勘若另設新法改
用機器尚可開辦惟機器轉運維艱尚未到齊所有運到機器開辦覽覽屬屬哈等處金礦及試辦
各礦礦緣由謹附片具陳下所司知之○依克唐阿等奏查奉省每歲徵糧不敷充餉全賴各省指撥的
東華續錄 光緒一百四十一 五

餉協助支放前因開放本年奉季內外城兵餉後庫藏久虛一切雜支等款及秋季兵餉無項發放曾經
奴才等於五月間開單奏請飭催各省欠解本年之餉及歷年專制迅速解解在案茲查各省共解到
丁酉年的餉銀十四萬兩實屬不敷局轉核計山東欠地丁銀八萬兩兩淮欠解鹽課銀一萬兩兩湖
銀一萬兩江蘇欠解庫金銀一萬兩其山東河南兩淮准安關兩江蘇蘇州府欠解歷年專制共
計一百一十六萬餘兩不但並未批解且未接有報解之文奉省本年秋季內城兵餉雖已敷行開放係
據東補西移緩急庫內之款搜羅殆盡不但一切歲需領支欠欸待領孔殷且外城兵餉於九
月間開放轉瞬即至而庫藏空虛無項支放奴才等於奏請飭催外並屢經咨部轉催無如該省迄
未解到若再遲延必致貽誤關緊實非淺鮮奴才等再四籌思萬分焦灼惟有仰懇天恩俯念根本重
地俾餉及緊要急需飭行嚴飭各該督撫等務共體時艱力籌批注無論如何為難先將本年
的餉於十月內批數解清並將欠解本年專制分批源源解解以濟急需而免貽誤得旨行各該省迅
行各該省迅速解解○戊午上幸頤和園諸慈福端佑康頤昭豫莊誠壽恭欽獻崇熙皇太后前請
安駐蹕○調黃槐森為廣西巡撫以徐祥為雲南巡撫○以郭鴻猷為內閣學士○已未以李燾為江蘇
巡撫○以馮壽銘為雲南布政使與蘇為雲南按察使○辛酉陳其璋奏鐵路之興所以為利用便民地

期致速也津蘆之路成效已昭蘆漢之路接續興辦此外凡可以通商惠工者固不宜力籌興築期於必
成然從未有會三四里至近之路而弗由山轉運道築路三四里而謂可以求利便如杭州之欲開鐵路
者也杭州省城左右石湖為水所限不能跨錢塘江而至浙東之甯波紹興等處人皆知之乃欲辦鐵路
者則為自湖至江頭運貨之說查杭省十門南為鳳山西南為清波東南為候潮北為武林其武林門
外至大關即湖堤是也山由大關進武林門僅二三里有撥船可達城內通江橋至江頭亦止三四里由鳳
山清波候潮三門至江頭約二里三里不等若貨自浙東渡江而來起撥入城或蘇杭之貨至浙東
由大關起運亦不過費二三里四五里之運脚用費不多且自江頭至大關亦片時可達不必鐵路以期
速也即欲速矣應自大關築一路至武林門由江頭築一路至鳳山候潮等門然均止有三四里亦無所
用之是以創辦者故迂其途欲由湖堤以達江頭且不言大關而言湖堤以惑當道之不知地理者則其
插標之虛實會正路而不由轉由大關之西南武林之西北折而繞至距城數里之松木場由彼鑿通西
湖背面之山以達於湖再由湖上鑿通小麥嶺繞出省城西南經清波鳳山二門以至江頭經此一繞約
有四十里以三四里一處可至之路改為為四十里迂曲之鐵路雖火輪迅速亦屬有限若謂意在
運貨今浙西茶絲由輪船一日夜可至上海由上海一夜可至甯波所東之貨亦可由輪船以達上海而
東華續錄 光緒一百四十一 六

欲得腹地三四十里之鐵路以分輪舟之貨物勢必不能至江西之貨多由九江附搭輪船亦斷未有由
錢塘江而來者此皆於事無益於理不通者也然尤有於情不順者一經築路廢田拆屋勢所必然而標
識之處墳墓約以萬計臣聞近日杭城偏橋名帖士民公議欲與創辦者為難有拆一屋即遷於其所
居之墓掘一墳即遷於其祖父之墓之語夫果使有益於公家有利於商賈雖民情弗易或不妨強使必
從若祇便一二入牟利之私轉而殃千萬戶難堪之怨深恐釀成巨禍利未見而害已形地方官當亦不
願有此現聞十月間即要開工為期已迫民情憤慨日滋可否請旨電飭浙江撫臣諭令停止非
獨免創辦者怨之歸而折之害而聖恩所被保全實多矣又奏利之所在洋人計之最精在西湖所
開鐵路果有大利洋人奚獨不冒誠恐竭竭以圖而與日並不獲利仍抵持於洋人則轉不如少此一舉
之為得也如謂他人之我先為此先發制人之計查省城自良山門沿城行可達東南清泰門至江干
不及十里即宋時之沙河塘也此處地形徑直田廬不多墳墓亦少於省城形勢是為堅固自西湖一帶
則為弓背會城豈肯背智若之所為也若因杭州新開碼頭非有鐵路不可當就良山門向東南而為之
其路不坦平功倍尚屬權宜之計是亦不得已之辦法也上諭軍機大臣等御史陳其璋奏浙江杭
州鐵路有害無利難情備請飭撫臣迅即停止以安眾心一摺所奏各節屬屬詳細如辦並無大利

自以停止爲是善處壽靈體察情形據實具奏另片奏杭州如必需鐵路當就良山門向東南興築事
功偉等語著慶豐堂一併查核具奏將此諭令知之○王戊諭依克唐阿奏查明職官應派官款據實參
辦一摺奉天佐領官清隱隱藉捐以多報少實屬貪劣不職官清著卽行革職仍將漏捐錢文悉數追繳
以重公款○癸亥山東曹州鉅野縣天主堂德教士二人被殺中德交涉起○乙丑諭各省道府等官之
賢否向由各該督撫年終出具密考以憑陟黜廣西思恩府知府周天霖前據鍾鍾麟奏稱廉明誠篤處
事安詳史記祖家稱聲名平常操守難信督撫考語大相懸殊該知府在思恩府任內官聲政績究竟若
何著黃槐樞詳核確切查明據實覆奏毋得稍有徇徇○丙寅 慈禧端佑康頤昭豫莊誠壽恭欽獻
崇熙皇太后萬壽聖節 上諭 排雲殿行禮○徐繼畲奏學校所以明人倫而聖人實人倫之至凡在
典禮不厭求詳謹按 文廟從祀位次東廡先賢孔忠位列秋黑之下相沿已久據家語孔忠本作孔佛
字子蔑孔子弟子蓋卽孟皮之弟子思子之從伯叔父也 前任山東黃縣訓導時隨祭 文廟竊見子
思配饗殿上而孔忠祭於東廡卽疑倫理未順自維不諳掌故又或謂家語爲王廟所依託未敢遽以爲
前上讀 天聰比因按試南陽府接據裕州學正白景新稟以孔忠當移祀 崇慶廟並引 國朝先儒
前大學士湯斌遺書以爲證○按湯斌遺集收入 四庫全書所作潼關衛儒學重建 啟禮祠記有云

子蔑當從廟路會之後移祀於崇聖祠雁行伯魚可也又云備兵茲土蓋正祀典非其職附議以俟
案探^出伏思廟路會曾並孔子弟子宜從祀兩廡而今入崇聖祠者因以避其子顏子曾子也孔忠於
子忠固非父子禮曰兄弟之子猶子也以兄弟之子而位列伯叔父之上當非聖賢所安孔子曰宗廟之
禮所以序昭穆也雖遞降而為仲伯叔父昭穆秩然序豈容素夷人躋僞公孔子謂之逆祀君臣之義
不可廢也今躋子忠於孔忠之上長幼之節亦恐未順前河南學政^臣俞樾曾於咸豐六年奏請以孟皮
配饗崇聖祠仰蒙^聖俞允誠有合於孔子事兄之道以事長類事兄子忠亦猶是心夫以孔忠為孔子
兄子是其得闕庭訓與伯魚無異則子忠之敬事子蔑亦必如子蔑之敬事孔子子伯猶夫人之伯叔也既
已同祀於文廟則倫次之後先自宜詳為考定^臣亦知廟庭鉅典不容輕議變更但與其沿襲舊章
滋世儒之疑議何若明為釐正昭倫理之精詳今如本鴻斌遺議移祀孔忠於崇聖祠使昭穆合宜長
幼有序以妥子忠之靈以遵孔子事兄之道似於講學明倫不無裨益合無仰懇天恩飭下部^臣集議
施行下禮部議奏○辛未諭朕欽奉慈禧端佑康頤昭豫莊誠壽恭欽獻崇熙皇太后懿旨此次恭親
王等承辦慶辰典禮妥慎周詳恭親王奕訢著賞給御書賜匾宣猷圖額一面御筆長壽字一張通玉如意一柄帶膳貂褂一件金壽字綬四疋慶親王奕劻著賞給御筆長壽字一張通玉如意一柄帶膳貂褂

一件金壽字緞一疋○諭此次 慈禧端佑康頤昭豫莊誠壽恭欽獻崇熙皇太后萬壽慶辰恭親堂綵衣進舞之近支王公恭親王奕訢慶親王奕劻均著交宗人府從優議敘醇親王載瀾端郡王載瀾都王銜貝勒載瀾載瀾貝勒載瀾溥偉均著於常年俸銀外加賞銀五百兩貝勒銜貝子奕謨貝子溥倫貝子國公載瀾載瀾不入八分輔國公載瀾載瀾不入八分輔國公銜鎮國將軍載瀾頭品頂戴鎮國將軍溥倬鎮國將軍溥倫頭品頂戴載瀾二品頂戴溥偉均著賞給三級奉天如意一柄蟒袍一件○王甲上選綢緞國將軍溥倫頭品頂戴載瀾二品頂戴溥偉均著賞給三級奉天如意一柄蟒袍一件○王甲上選宮○以山東曹州殺斃洋人飭李秉衡速派司道大員馳往該處根究起釐情形務將兇盜拿獲懲辦○諭應應賑奏新疆左宗棠專祠請頒額額等語封疆大吏陳奏事件豈容附會乃應應賑卹以荒誕不經之語妄請奏卹屬屬非是應應賑著傳旨中飭所請著毋庸議○癸酉 上諭 壽皇殿行禮○辛頤和國○應應賑奏回性役骨多疑竇詐收撫不易安插尤難處置稍不如法即已撫者旋滋事端欲令反側者自安非得人不能其任也○前奏光緒二十二年三月十七日 電有賊近就愚恐煽誘良回聯成一氣回家如能捏捏殺匪出力打仗者蓋破格獎勵以杜勾結等因欽此旋聞滇賊出關有入驅布淖爾之信即計賊數甚多非以剿撫無不能訖事查有道員用候補知府喀喇沙爾直隸驛同知江過璞循督卓著素得民心尤為回家信服當飭於良回中選派明幹篤實紳耆親帶赴羅備收撫之計又查有英

沙爾露營將李金良由平涼回籍忠勇家貧調帶隊入難兼辦剿撫李金良察知江過疎廉能亦稟稱此事非該丞莫辦也牛允誠既在玉門收撫回家數千委江進璞辦理羅布淖爾安插局務兼營務處會辦剿撫於英格可立等處招僱民匠商撥營勇修築房屋九百七十五間以備撫回棲止與委辦庫庫爾勒轉運局候補同知周端陶籌撥糧倉並庫車食糧接濟食兼備賑需前敵所收難回委知府用同知補用知縣柳保元管解赴維員滿效蘇復派員分起押解以期局安玉門距難三千餘里難民老弱婦孺多係步行委員沿途約束城縣備極勞苦艱難方由哈密吐魯番遵行陸續到難而劉四伏已敗竄至和爾罕經李金良等將首各逆擒獲解省其餘男婦五白餘名悉交江進璞安置奏奉七月二十三日 電旨劉四伏就擒辦理甚好羅布淖爾安插事宜著飭該局妥為布置欽此 臣謹飭遵辦江過疎邊將各起撫回分撥房屋撥給地畝農者置於田間商者處於街市發給賑糧暫資餬口因英格可立地土低平旱則蠲收雨則增多而收歉查有距英兩站英氣蓋河沙土肥美旱澇可收乃於去冬派勇督民開渠放水今春發給籽種撥回二千餘人前來耕種其地不加養土不事耘鋤而禾苗暢茂倍於他地前據查勘委員回省面稱由東沙灘至英氣蓋河二十餘里麥秀穀豐黃雲滿地英格可立與都納里望衡對字難鳴吠吠相關商賈不絕於道寂寞荒涼之境頓成人煙輻輳之區因民食賴地土腴美其於西甫

大有此間樂不思之憂因駐紮各軍次第裁撤以前備軍朱勝馬隊一旗駐防卡
克思克一帶阿克蘇鎮左營哨沙爾中營步隊二哨同工作昨據江邊環報修英軍河房
黑三百三間河大渠四十餘里江古里大渠七里堤壩橋道均已修平一奉收獲秋禾成八月底
可以分別停賑後到八百餘人未及耕種者所需糧可就地添採但留屯一哨駐防英軍河房司
屯各營哨悉數退出轉運亦可停辦回民樂業安居從未出外生事亦似天留庇陰以處子遺且降康
年以綏遠也江邊環報已七十有三而精力強健馬沙爾日百數十里往來經理營務勤耕夜則清
膾算糧每至達旦其苦心孤詣已不勝枚舉矣公辦撫綏不辭勞瘁回民相依父母聽其教養防範可省兵
力實屬異常出力不讓戰功合無仰懇 天恩將道員用在任候補知府喀喇沙爾直隸總同知江邊環
開缺免補知府以道員留新補用並加鹽運使銜以示獎勵得 旨如所請行○甲戌以徐用儀兼署
戶部右侍郎○德應麟奏關內外去秋奏報肅清股賊悉數撲滅惟肅州南山等地窮寇尚存聞有零星
殘匪逃竄偷生督臣會報摺內申明實成甘肅防軍嚴密並商飭定邊各軍暫留安玉以防出竄去
冬南山早雪牛允誠派隊搜捕未能深入撫回治八個前往治立功自願因與張麻不語不合被其
殺害官軍憤激衝圍冰分道進剿人漢馬備未肯遂思卒以害深無路半途折回分隊扼紮各隘口周
東華續錄 光緒一百四十一

陳四張團匪山內使之自斃匪等肅清無計正月初二日有馬光才一起高馬掠經定邊山旗哨
官王廣山截擊長跪乞命收獲男婦四十九人初五日據報練軍左營羅福安據安西探報水峽口有
客回軍隊至奔巴圖拿又收獲奇婦一起男女四十一人聚供山番地逃出安等亦在肅南山
內捕獲數十人牛允誠悉數肅清未盡派副將郭玉祥守備孔福堂挑精騎六十名親帶進剿與肅州
鎮道並聯平安會商派隊進山分途搜捕縱橫三十餘里直至望牛老果均無一匪回馬光才
由玉祥解至安西於韓奇婦腹內將張麻不語出票明訊據供大通人同夥百數十人悉在山中餓斃
因殺死八個恐官兵問罪改名馬有幅混入韓奇婦腹內投誠不諱當批正法至南山客回搜獲淨盡
涼中客軍匪目亦悉數肅清除飭各軍撤防以節餉外所有搜捕客匪最為出力頭品頂戴劉新補
用提督巴里坤鎮總兵利勇巴圖魯牛允誠數勇撲誠除匪始終勤勞著勞不辭合無仰懇 天恩
欽換清字勇號以示鼓勵其餘酌量獎敘併入清單彙奏 旨○乙亥德商海軍少將特利那率
軍艦三艘突入膠州灣遂奪敵據之○長庚等奏奴才長庚前因伊犁各營營生計難維地方防務極
為緊要非與屯軍較戰賊兵不足以裕邊防查商新購撫臣陶模奏撥經費九萬二千兩並經戶部奏
請自光緒二十年起撥給三年奉 旨允准在案應即遵照部議將辦各事宜章程奏明辦理伏查

伊犁滿蒙各營兵勇後經安集生計維艱屯田牧廠久未起復奴才等到任後校閱各營操演尚肯沿
用舊式四營官兵半無軍械可給庫存舊械損壞多不堪用應須鑄造房金鼓鐵鋤等項概無存儲
卡倫數十處地廣民眾又無堅壁可資守禦未雨綢繆難措撥庫所不敢辭練兵為當務之急屯牧為
根本所繫練兵而不籌生計無以培元氣而固人心籌生計而不固邊防無以安耕鑿而擇牧園謹就經
費籌擬酌定應辦事宜十條逐款切實估計共需銀三十六萬六千二百餘兩除撥三年經費
銀二十七萬六千兩尚不敷銀九萬二百餘兩業於本年估例摺內奏請將光緒二十三年分現存經費
銀兩展撥一年以資應用應請 旨飭部併案核議如蒙 俞允奴才等惟有實力經理務期辦一事收
一事之效用一欸之益斷不敢以至難帶項稍涉虛糜以冀疲弱之區漸臻富強得 旨戶部核
議具奏○丙子 上幸頤和園請 慈禧端佑康頤昭豫莊誠壽恭欽獻崇熙皇太后前請安駐蹕○戊
寅 上還宮○以張百熙為內閣學士○甲申 上幸頤和園請 慈禧端佑康頤昭豫莊誠壽恭欽獻
崇熙皇太后前請安駐蹕○是月日斯巴尼亞國使臣高格幹回任
十一月丁亥 上還宮○播江北河運漕糧三萬石賑濟江蘇徐州淮安海州等屬被水州縣○壬辰
上幸頤和園請 慈禧端佑康頤昭豫莊誠壽恭欽獻崇熙皇太后前請安○還宮○恭壽奏光緒二十
東華續錄 光緒一百四十一

二年七月初五日准兵部咨內閣鈔出前督 鹿傳霖奏明川省松建兩鎮練汛員缺擬請酌量裁併一
摺奉 硃批該部知道欽此○臣以該督所請建昌屬所裁各缺未將明請註明松建兩鎮中營
所裁把總司哨亦有缺額請 飭下督臣詳細查明並具汛防里數清冊呈報前來臣查該督向蒙
補抑或變通辦理之處一併盤覆再行核辦六月初十日具奏奉 旨依議欽此欽遵遵行到川等因准
此伏查松建兩鎮練汛屬所屬汛防在夷地者十居八九邊務安靜固屬員缺閒冗一朝有事仍覺不
敷分布現在關外各土司經此次大舉宣 皇仁雖各感法安帖而肅清朱軍之案尚未十分就緒鹿傳霖
以時艱餉絀力圖節節非不知地廣員稀亦屬邊疆隱憂所以遲至年餘未敢覆奏者蓋亦慮及於此也
且兩鎮營併干把外委額外五十員之多核計餉銀亦不過二千餘兩查該汛汛員前督臣曾會列臣
銜若以有限之餉資增無窮之膳顧邊事關係緊要何敢因貪銜在前而迴護於後致貽誤機倖將
關外土司各案一律完結後再由臣體察情形奏請辦理下都知之○甲午論上年對番官越境滋事
當飭令鹿傳霖奏公查辦理思事端乃該番官膽敢抗拒違經鹿傳霖派兵剿辦並請收回該地原屬番由
自取朝廷因該番等世受國家深恩厚澤竟自外生成惡鹿傳霖操之過嚴不足以折服其心特令
鹿傳霖開缺派張壽理督辦該令持平辦理茲據奏稱當鹿傳霖派兵進剿之時該番官等並非有意

抗拒因見大兵臨境不致投案仍復固守鹿傳霖聞之官兵一面之詞遂謂其叛形昭著是以有
改土歸流之議前據總辦喇嘛在理藩院呈請當經地方並院該督督此大所奏各節是該番官並無叛
逆情事尚屬可信朝廷念舊豈肯以跡近疑似遽收其地所有三廳地方仍舊一律賞給糧額
喇嘛收受毋庸改土歸流總辦喇嘛當即體朝廷寬宥之仁知感知畏力圖自新即當慎選番官嚴加約
束毋得再有虐虐虐民侵擾鄰境情事致干罪戾其一切舊後事宜著該番官為經理以期永遠相安至
德安格悉未高竹巴塘等案仍著該督督盡心妥籌次第辦理另片所奏酌刪什司司承襲一案現據
該督督將土官釋放並派員前往懲功查辦亦尚中肯著即迅速辦理毋得遲延○內中准烏里雅蘇臺
將軍開缺回旗○丁酉 上幸頤和園詣 慈寧端佑康頤昭豫莊誠壽恭欽獻崇熙皇太后前請安○
還宮○戊戌 上詣 壽皇殿行禮○以賞恤為烏里雅蘇臺將軍○辛丑張兆蘭奏各省設立常平倉
均係領官款數存儲如過數收之年減價平糶亦可酌成賑放洵為有備無患之良法乃奉行既久各
州縣移新掩舊挪東補西雖有盤查多未認真辦理迨至本任交卸不能掩飾始行查參是以各省虧
短倉穀之案層見迭出近聞各州縣多有將存倉之穀變價發商生息年年存款為數甚多均有案卷可
查然掩飾彌飾亦在所不免追該督上司指款提用多不能如期報解可謂 旨飭下各督撫通行各
東 華 續 錄 光緒一百四十一

屬將倉穀實在存數若干變價生息若干每年分別造冊報明存案不准絲毫挪動一遇
奉文指撥即可定期解解不至有名無實矣 上諭御史張兆蘭奏各省常平倉穀州縣多有虧缺
飭分年造冊報部等語各省設立常平倉原為有備無患之良法乃近來各州縣往往移新掩舊東補
西是以虧欠之案層見迭出實屬不成事體著各省督撫通飭各屬現在實有存穀若干變價生息若
千每年分別造冊報部存案以備指撥逾期報解不准掩飾彌飾以重存儲○王 上幸頤和園詣
慈寧端佑康頤昭豫莊誠壽恭欽獻崇熙皇太后前請安○還宮○楊善奏奉前准禮部咨議翰林院
侍講學士奏經奏請整頓各省書院預備人才一摺光緒二十二年十一月十八日具奏奉 有依議
欽此並准鈔錄原奏咨行到滇當經轉行司道遵飭各屬一體遵辦去後查滇省地居邊徼只主育
材一院院係課詩文兩項以教誨書之士見聞甚隘光緒六年前督臣王文韶等創設經正書院添派經
古奏請 頒賜匾額各士子耳目始覺一新然亦只經更難作共相研求而於天算格致諸學仍無人過
問不知百者六藝數在其中我 朝定制國子監亦設算學始治經史所必習抑近今當務之
急也惟滇省風氣未開學者不知門徑特將省城經正書院附地創設算學數極名曰算學館分設算
出示招考並慎選精通算學之人主教其中一俟肄業諸生滿班有得再行添課天文格致與國諸學以

期逐漸擴充此外各屬亦據該督州縣先後稟報均於得自書院添課算學為邊隅開風氣即為 國家
育人材據雲南布政使裕祿會同鹽法道曹津詳請具奏前來等因查雲南除各屬辦理各屬事務衙門
暨各屬都查照外謹合詞附片陳明下所司知之○奏明李其衡緣事解任以裕祿為四川總督○調王
之春為四川布政使鳳凰林為湖北布政使裕長為直隸布政使○楊善奏准戶部咨開本部議復御
史楊崇伊奏制錢日少請飭各省鼓鑄並雲南銅礦有名無實請另籌辦法等因光緒二十三年六月十
七日具奏奉 旨依議欽此並鈔錄原奏咨行到滇查戶部議復內稱辦解之銅是否皆由採買
銅督辦礦務是否得力等語等因查雲南產銅最旺自經兵燹廢弛同治十三年奏請試辦經營十六年
之久未見成效係解京銅八起共計八百三十七萬斤有奇自光緒十三年唐炯奉 命督辦礦務以來
極力整頓招集公司專辦巧家一廠其成實易開永北維西各廠皆由公司借給貧民油米接濟開採
銅價計自光緒十六年接運九起頭批起至二十三年此八年中已解過京銅八百七十五萬零均係
督僱公司辦解並非由外採買惟將車石一處早經奏明採買四川會理州銅廠運解每歲得銅不過
七八萬斤為數無幾專恃巧家各廠採辦以供京運等伏思前請試辦歷年多而解銅少現今督辦歷
年少而解銅多彼此相異其有無實得力與否固不可不辨而明所未能過年加批者尚非督辦之不得
東 華 續 錄 光緒一百四十一

力實因連歲災歉米價昂貴加以礦工多例價不敷廠民大半折本歇業勢難復興而唐炯公而忘私
自備資斧賠累十有餘年身家固難維恐有誤京運稍真 高厚殊恩獨任艱難不避勞怨嚴催公司加
給廠民工本銅價力維礦務歷年以來致令公司賠墊本銀數十萬近年來虧累過多實有不能周轉支
持之勢臣等查雲南礦務將商民困苦情形奏 天恩賞加銅價原以恤商艱而興礦務即以顧京運
而收利權蓋雲南銅礦為生民養命之源設一旦停辦於 國計固無裨益且滇民無以謀生於地方大
有關係即或民得以自養而銅屬於外將來本省有欲鼓鑄而多掣肘者臣等身處礦務共體時艱通籌
全局不能不慮慮而濫陳之現 恩准如所請加價商民踴躍集股免礙逐漸開採惟有會同督辦唐
炯遵出示推廣招徠加意整飭務期按年加批運京俾供鼓鑄以仰副 聖主足國裕民之至意下戶
部知之○乙巳諭調模奏參劾將庸庸不職請旨革職等語甘肅儘先副將李錦標營務處所部馬步
兵多老弱充數並有懸缺不補希圖混冒情事著即行革職並不准投効各路軍營以示懲儆嗣後各營
如有空額即行奏辦毋稍寬縱○丁未 上御文華殿英國使臣寶納樂謁見○戊申 上詣瀟湘園門
恭迎 慈寧端佑康頤昭豫莊誠壽恭欽獻崇熙皇太后還海○貴州學政廖壽豐奏請設經濟特科以收
實用軍機大臣奉 旨著總理各國事務衙門會同禮部妥議具奏○魏光燾等奏准惟開於上年四月

十二日會同前陝西撫臣張汝楨奏請創設學務院一摺五月初七日奉 硃批著照所請該部知道欽此欽遵在案竊維國事待人材而人材資學校而不成不實之求而名是尙其作育與未學同不本之務而求其遠其與無材等宗旨既失微特規模難自無一成即成而亦不可恃以為用日惟願於去秋試事竣後即會商臣光霽度地於涇陽縣治前學臣許振鐸奏建味經書院之側庀材鳩工昕夕從事委派涇陽縣學各官督理監修於十月二十日一律工竣臣惟願親往驗收工料尙屬堅實規模亦覺闊敞四週餘地甚多可為將來推廣學舍及一切講求製造之用擬命名曰崇實書院中分四齋曰致道齋以周易四書學經為本儒先性理諸書附之兼考外國教務風俗人情而致力於格致各學以備明體達用之材曰學古齋以書經春秋三傳為本歷代史鑑紀事附之兼講外國古今時局政治並一切刑律公法條約以備奉使折衝之選曰求志齋以三禮為本正續三禮及 國朝一切掌故之書附之兼及外國水陸兵法地輿農學礦務以備濟世經邦之略曰興藝齋以詩經爾雅為本周禮諸子及訓詁考據諸書附之兼習外國語言文字並推算測量以及通及汽化聲光各學以裕制器尚象之源每齋擬先設肄業生十五名由學臣於歲科兩試調取年二十四歲以內心地誠篤資性聰明之生員分齋肄習將來漸次推廣以每齋四十人為定額學具一人司分教之任至山長一席必須擇識達古今學通中外之儒方能勝任愉快茲查有主講味經書院 貴州國子監學正銜咸陽縣舉人劉光霽品高學邃留心經世於格致各學夙所講求可以兼掌此席將來經費稍充生徒加眾或專訂或另延再當斟酌情形辦理至肄業生員擬月給膏火銀二兩五錢每月早起講習中學二時考求西學又二時中有所得則以其餘閒撰為記明望送山長校閱季終送學政評定而嚴最焉如有徒事鈔襲毫無發明者斥出每月初六日由督撫學政司道各官輪流課試其學業精進才能卓越者應送理衙門歷次奏定章程由督撫學政會同保送以備器使至此大條遠經係由山原涇陽兩縣及紳富捐集束脩膏火各項則暫撥開缺應用俟將來機器紡織局開工後獲有贏餘再為陸續增注以資接濟而符原案臣等仍當隨時稽查以期成就人材上備 聖朝之採擇下所司知之○已酉以增廣福州將軍○總理各國事務衙門奏本年正月間接據刑部主事張元濟等呈稱聯合同志分籌款項廣開館學習西國語言文字請發給同文館書籍等因當經照准撥給在案茲於八月二十四日復據張元濟等呈稱設立學堂來學者多係京員及官紳子弟現在定立課程先習英文及大算與地其兵農商格致製造等學俟學文精熟各就性質所近分門講習伏查二十一年十二月總理衙門議覆御史陳其璋推廣學堂一摺准令官紳集資創建奏明辦理今試辦半年規模粗立來學者眾自應援案呈請具奏並援案請將學堂教習比照

東華續錄 光緒一百四十一

十三

成案酌給獎敘學堂成辦學生仿照廣方官館學生例調考錄取等因○等查近日中外交涉事宜條目日繁開才益亟僅恃下衙門之同文館上海之廣方官館廣東之同文館及南北洋關學堂數處學生有限誠不足應各省之取求前據推廣學堂通行各省前官紳創辦的屬寥寥該員等思京師舊習之地籌款設立通藝學堂自行講習造人才留心時務志趣實屬可嘉其所請的獎敘一節應比照安徽成案略與通藝學堂三年期滿有效由該學堂出具考語請由 衙門核辦有官人員准其保加階階無官人員准其作為監生一體鄉試再留三年始終不懈准以府經歷縣丞歸部銓選其成業學生情願投効同文館者應准其隨時報名聽候調考惟必須由該學堂出具考單將該學生所習何業成就分數考試等第詳註明由同文館查核再行調考以防冒濫得 旨如所請○庚戌歲自中東一役以來中外諸臣競言自強之術二年於茲矣現在事機日迫一遇各國交涉之事無不萬分棘手總緣編我武備廢弛船廠不齊以致強鄰狡焉思啟合以謀我目下欲圖自強自以修明武備為第一要義惟是出入兩款不敷鉅額前曾詳諭各省將軍將撫庫中撥金中飽汰減練兵尤數處添練兵餉練兵將撥金中飽之數和盤託出所裁兵勇亦未確查空額茲據圖數面奏今天下之急莫如練兵籌餉練兵須練可用之兵籌餉須常年之餉即如國初取民有制既無撥金又無雜稅而未嘗慮財不多兵不强

東華續錄 光緒一百四十一

十四

中外之儒方能勝任愉快茲查有主講味經書院 貴州國子監學正銜咸陽縣舉人劉光霽品高學邃留心經世於格致各學夙所講求可以兼掌此席將來經費稍充生徒加眾或專訂或另延再當斟酌情形辦理至肄業生員擬月給膏火銀二兩五錢每月早起講習中學二時考求西學又二時中有所得則以其餘閒撰為記明望送山長校閱季終送學政評定而嚴最焉如有徒事鈔襲毫無發明者斥出每月初六日由督撫學政司道各官輪流課試其學業精進才能卓越者應送理衙門歷次奏定章程由督撫學政會同保送以備器使至此大條遠經係由山原涇陽兩縣及紳富捐集束脩膏火各項則暫撥開缺應用俟將來機器紡織局開工後獲有贏餘再為陸續增注以資接濟而符原案臣等仍當隨時稽查以期成就人材上備 聖朝之採擇下所司知之○已酉以增廣福州將軍○總理各國事務衙門奏本年正月間接據刑部主事張元濟等呈稱聯合同志分籌款項廣開館學習西國語言文字請發給同文館書籍等因當經照准撥給在案茲於八月二十四日復據張元濟等呈稱設立學堂來學者多係京員及官紳子弟現在定立課程先習英文及大算與地其兵農商格致製造等學俟學文精熟各就性質所近分門講習伏查二十一年十二月總理衙門議覆御史陳其璋推廣學堂一摺准令官紳集資創建奏明辦理今試辦半年規模粗立來學者眾自應援案呈請具奏並援案請將學堂教習比照

今有撥稅及洋藥土藥等課每年增入三千餘萬之多而財轉不敷用者蓋因廣取濫用漫無限制故也今欲籌兵餉先由戶部查明咸豐三年以前歲入歲出之款原有入款不准欠原有出款不必裁三年以後續增入款曰撥金曰雜稅曰洋關曰土藥續增出款曰勇餉曰購械曰各項經費近年又有借借洋款一節應由戶部查明續增入款共有若干續增出款共有若干可裁則裁可減則減務將練兵之空額開除撥金之中飽廢弛餘如鹽場鹽課充員薪水出使經費機各局雜支均酌定數目不許濫支濫銷庶鉅款不至難籌等語所奏向屬切實當此需款孔亟之時臣等自應不分畛域竭力圖維外省用款驅吏實難其成蓋嚴飭在事各員嚴加節制力除中飽尤須正己率屬以期大法小廉應如何認真綜核集成鉅款是在該將軍督撫等激發天良認真整頓應即詳細確實奏至於廢兵兵勇缺額雖經通諭各省不啻三令五申昨復據徐桐摺奏請酌沿江沿海各省督撫激厲忠義聯絡鄉團將備之疲瘁者速即更換勇之缺弱者趕緊補補減無用之卒以資戰士調內地屯防之旅以固海疆各省將官有老於兵事緩急可恃者無論官職大小現在退閒准其一律奏調等語所奏尤為當務之急當即迅速籌辦如有知兵之員為該將軍督撫等所深悉者并准其保奏以備干城之選將此由四百里通諭知之○癸丑冬至大祀 天於 圖丘 上親詣行禮

十二月丁巳諭軍機大臣等有人奏湖南已革知縣文策前署太康縣任內催科滋擾文生王璠被差毆辱並不懲辦該縣縣試時因彈壓諸童令練軍施放鎗砲致斃二命等語著劉樹堂切實明悉心研訊按律懲辦據實具奏原片著鈔給閱看將此諭令知之○已未 上諭 慈禧端佑康頤昭豫莊誠壽恭欽獻崇熙皇太后前請安○庚申 上諭 慈禧端佑康頤昭豫莊誠壽恭欽獻崇熙皇太后前請安○甲子諭軍機大臣等有人奏廣西興安全州一帶匪首至今未獲竊因橫州一案辦理不善以致釀成事端梧州太平等關及西江口岸華洋雜處更恐匪類潛滋又聞廣東交界地方會匪出沒無常請飭協同兜拿等語著劉樹堂嚴飭所屬文武員弁將未獲盜犯實力搜捕其通商口岸及兩省交界之區尤應認真拿辦以弭隱患將此各諭令知之○諭張汝楠奏凌汛陡漲利津縣海家灘險溢決口現擬趕緊籌堵合請將在各員暫緩等處一摺本年十一月二十四日山東利津縣地方因連日北風驟烈上流之水挾冰以行凌汛陡漲致將利津道上之姜莊民墾衝刷並將姜莊連上瀨家灘大堤漫決成口崩寬十三四丈水入淤化縣之降河入海此次凌汛肇事據該縣撫奏稱實因下流水弱凍結成冰人力難施督辦河營各員著照所請暫緩參處勒限一箇月趕緊堵合毋得遲誤○乙丑 上諭 大高殿祈雪○上諭 慈禧端佑康頤昭豫莊誠壽恭欽獻崇熙皇太后前請安○光緒一百四十一

十五

皇太后前請安○兵部奏近日各省各路事務平時講求機防認真訓練已奉公與士卒共甘苦者固不乏人而怯懦懦不知檢束濫竽充數之員亦所恆有一經徵調則張惶失措漫無紀律臨陣勢必觀望不前退縮逃避誤事機實非淺鮮雖經各督撫及統兵大臣隨時嚴參治罪事平之後復舊觀請託投効各路軍營及河工省分並謀調出洋差使以爲將來開復地步夫此等巧滑劣員畏懼性成一旦倖倖復職遇有事之秋安寧其臨陣摧堅勇躍用命哉是投効及奏調資調兩途專爲若輩開寬俸之門豈安能改觀軍事從何整頓等公同商酌凡於臨陣退縮不前赴援不力畏葸無能巧滑逃避獲等武職人員除已經投効各員姑從寬免其撤回以觀後效並由各督撫及統兵大臣隨時考其是否得力分別去留專案報部外其尚未投効各員擬請嗣後除特奉 諭旨錄用者外餘一概不准投効中營及河工省分並奏調資調出洋差使以重名器而嚴軍律經此次定章之後各該督撫等如再將此項獲各人員濫行錄用部即分別奏參請旨交部照例懲處如蒙 俞允應俟奏 旨後山軍部咨行各省督撫提鎮各路統兵大臣一體嚴遵毋得 旨如所議行○內軍機大臣等督辦軍務大臣奏請移駐甘肅以資捍衛一摺山陝地方東近畿疆西控關隴形勢最爲扼要革福祥聲等奏請即速添派二十營之數分紮大慶關平陽府一帶認真督練務成勁旅以資捍衛

防務著陶模實力整頓刻下關內外一律肅清果能就現有之營扼要駐紮足資鎮懾不得藉口兵力單薄稍涉疏虞將此各諭令知之○戊辰以崇修主謀告成獎敘出力人員內閣侍讀學士崇壽等有差○辛未 上諭 慈禧端佑康頤昭豫莊誠壽恭欽獻崇熙皇太后前請安○壬申諭翰林院侍讀學士譚澂奏內務府司庫等官缺後例應三年調轉近年以來每有含混留京弊竇生請飭申明定章等語著總管內務府大臣按照定例辦理毋得含混以杜弊端○癸酉諭給事中丁之秩奏西甯州案內保舉已革山西平陽府通判張心泰前因任意虐民革職陝西撫選知縣舉人楊德源並未到營等語著吏部查明具奏○乙亥 上諭 慈禧端佑康頤昭豫莊誠壽恭欽獻崇熙皇太后前請安○諭軍機大臣等恭摺奏對崇恩賞還該達賴自必感激涕零番官返東挾嫌報怨尤肆苛虐現雖飭候補道慶晉妥爲撫慰而番官係由達賴統率恐非漢官所能鈐束請飭文海等就近與達賴約定善後辦法等語自係爲撫前起後起見文海等身爲藏大員恭摺所奏情形想亦籌度及此即著與 達賴約定章程取其慎慎番官不再苛虐使獲確據以期永安相安並著傳諭達賴嗣後番官等倘再滋生事端定惟該達賴是問原片著鈔給閱看將此由五百里各諭令知之○丁丑魏光燾奏自強之道以作育人才爲本求才之要以整頓學校爲先近年以來內外臣工聚承 諭旨莫不以添設學堂儲才製器爲急務光緒二十

十六

二年刑部左侍郎臣李瑞榮奏請推廣學校一案內開各省內地各府屬州縣廣設等學講習專門果使有可觀三年後由督撫奏明請 旨考試錄用本年二月安徽撫臣鄧華熙奏請各省均於省城另設格致學堂並准奏明指撥的款各等因均經欽奉 硃批允准由總理各國事務衙門咨行在案臣查現在京師設立大學堂天津上海等處奏設頭等學堂其東南各省或另立書院講求學理或就現有書院更置章程綱舉目張均有起色 國家儲才孔亟即在偏隅亦應設法籌辦以收鼓舞振興之效陝省爲文獻淵源歷代以來名臣大儒輩出我 朝深仁厚澤濡濡二百餘年文物之美尤稱極盛近經兵燹原窺未復而關中宏道味經各書院肄業諸生多能研求實學恪守前賢矩矱其間忠義勃發勵除錮習之士亦往往而有良由氣俗質樸士氣果毅故也竊維國治之本尤以興學育材爲亟亟亟亟經通飭府州縣各處地方書院增設算學格致等課多已漸次遵辦其延陽新建崇實書院茲已落成經 會同前學臣趙惟熙奏陳辦理情形在案復據督辦道姚鴻勳轉據舉人薛信等稟請開辦格致書院風氣漸開士知向學自應於省城創建學堂俾得菁莪材益廣講習惟開辦之始務須先得要領不可徒託虛名經費既應籌量尤須明定章程擬行司道會商詳擬去後旋據該司道等稟稱現在款項未充難於另建書院擬暫借省城崇化書院房舍創設格致學堂一所名曰游藝學塾本年由署臬司姚協贊於糧

七

張宗本器客什噯

十八

容不得違逾自光

並准將外銷最要之款切實聲明臣部呈于留支使無難於公用惟各省通年進出款項不待再行確置
傳臣部無隔閣之虞各省免補蓋之煩倘經此次通飭之後各省仍有隱匿其或巧立名目謬稱不入不
出則與守之官不能辭咎臣部亦難曲為之諒也 旨如所議行○奏廢奏武備之設原期得折衝禦
侮之才自火器盛行弓矢已失其利習非所用與文科舉時文試帖之弊略同積習之端未始不由於此
雖經朝廷屢次修奏皆以格於成例難議更張應試武備每縣少則百餘人多或數百人千人不等約
而計之縣以二百人為率合計天下數可三四十萬教練成其利有五年富力強無老弱遲鈍充數利一
弓馬兩習教練易成利二有志上進與謀衣食者不同利三姓名鄉里有籍可稽無逃亡之弊利四有室
有家散即歸不至流為盜賊利五且近在鄉里養兵之費自輕此尤勝於召募者若每省延聘兼道西
法精於操練教習數十人就地教練一歲之後可成精兵足以充役二年作為武生選其材武聰穎者每
省設一武備學堂挑入學習軍學化學格致與地諸學分隊馬隊工程隊諸科限以三年由各督撫
詳加考試凡考列優等者作為武舉人其各略略參科場制分別大省中省小省各不得逾本省原額
十分之五此為武備特科其三年一試之武科暫准照舊舉行但須酌減額額一半以期相濟為用試之
有效再將舊制停罷立將此項特科武舉人咨送京師大學堂限以三年由兵部奏請 欽派王大臣考
東華續錄 光緒一百四十一

試分別優等者作為武進士其各數與常年會試中額各得其半仍舊候 廷試各就本科驗其臂力技
藝前以方略以待衛守備分用屆時並令各路軍營自帶以上均用此項武舉人武進士人員充補俾得
効力行間以備干城之選似此參酌中外兵制造就人材其用至廣其效至速各國聞此舉動或稍畏其
狡焉思效之心於國事實有裨益應請 飭下廷臣會議奏請 宸斷施行 上諭榮祿奏請設武備特
科參酌中外兵制造就人材等語著軍機大臣會同兵部議奏○壬午 上諭中正殿看跳步孔○癸未
船祭 太廟 上親詣行禮○甲申 上御保和殿賜慶古王公進宴畢 慈福端佑康頤昭豫莊誠
壽恭欽獻崇熙皇太后前請安○是年統計出口貨直銀一萬六千三百五十萬一千三百五十八兩進
口貨直銀二萬零一百八十二萬八千六百二十五兩相抵銀三千九百三十二萬七千二百六十七兩
凡徵貨稅銀二千二百七十四萬二千一百四兩

光緒一百四十二 光緒二十四年戊戌春正月乙酉朔日有食之○丙戌 上諭 慈福端佑康頤昭豫莊誠壽恭欽獻崇
熙皇太后前請安○丁亥 上諭 壽慶行禮○先是工部主事康有為以光緒二十一年中日役後
上辨力陳變法之不可緩事下各督撫核議施行嗣康有為廢上書言事格不得達至是 上念國勢岌
危毅然有改革之志知康有為仇直故自又因大學士翁同龢之請欲擢用之命總理各國事務衙門王
大臣隨時接見康有為詢問天下大計變法之宜並令如有所見及有著述論政治者由總理各國事務
衙門進呈於是總理各國事務衙門以光緒二十三年十一月間康有為抗疏論德俄州府宜變法自強
呈請工部堂官代奏之得進其略曰自馬江敗後法據越南俄於此時噬嗑時事有條陳發憤日之謀
指朝鮮之患以為若不及時圖治數年之後四鄰交迫不能立國已而東師大辱遂有割遼東之事於
是外國蔑視海內離心離德憤迫切難陳大計及時變法圖保疆圉妄謂及今為之猶可補牢如再徘徊
遲疑苟且度日因循守舊坐失事機則外患內訌不容變遷之期月事變之患且夕可致後欲悔改不
東華續錄 光緒一百四十二

可收拾雖有善者無如之何危言狂論冒犯刑誅荷蒙 皇上天地之量俛採剝棄下驢馬施行以圖臥
薪嘗膽之治誠感 聖明續有陳論格未得達旋即告歸去國二年創望新政而泄奇如故坐以待
亡土室撫膺門門泣血頃果有德人強據膠州之事要索條款外廷雖不得其詳然從海上來聞外國報
有革李秉衡案山東鐵路礦務傳聞章高元及知縣已為所擄德人修造礮臺兵房進據膠州墨井閣德王
胞弟親統兵來俄日也買米各七百萬日本議院日日會談萬國報館議論沸騰咸以分中國為言若
箭在弦皆指膠州海內驚惶亂民紛紛誠不料昔時危之論倉猝遽驗於目前更不料益延越賦之
風沈痾更深於昔日瓜分豆剖漸露機芽恐懼回惶不知死所用敢萬里浮海再詣 闕廷竭誠誠惟
皇上垂鑒而採擇焉夫自東師辱後泰西蔑視以野蠻待我以愚頑鄙我昔視我為半教之國者今等
我於非洲黑奴矣昔曾我為倭自覺者今則侮我為蠻貊矣其矣按其公法均勢保護諸例祇為文明
之國不為野蠻且謂弱無政教之野蠻為救民水火故十年前吾等幸無事者泰西專以分非洲為事耳
今非洲割訖三年泰西專以分中國為說報章論議公託義聲其分劃之圖傳遍大地聲聲呼明絕無
隱諱此何盛聲請言實踐俄德法何事而訂密約英日何事而訂深交土希之役諸國何以惜兵力而不
用戰艦之數諸國何以饒厚兵而相持於萊口保歐洲太平則其移毒於亞洲可知文其言曰保教保

光緒二十四年戊戌春正月乙酉朔日有食之○丙戌 上諭 慈福端佑康頤昭豫莊誠壽恭欽獻崇
熙皇太后前請安○丁亥 上諭 壽慶行禮○先是工部主事康有為以光緒二十一年中日役後
上辨力陳變法之不可緩事下各督撫核議施行嗣康有為廢上書言事格不得達至是 上念國勢岌
危毅然有改革之志知康有為仇直故自又因大學士翁同龢之請欲擢用之命總理各國事務衙門王
大臣隨時接見康有為詢問天下大計變法之宜並令如有所見及有著述論政治者由總理各國事務
衙門進呈於是總理各國事務衙門以光緒二十三年十一月間康有為抗疏論德俄州府宜變法自強
呈請工部堂官代奏之得進其略曰自馬江敗後法據越南俄於此時噬嗑時事有條陳發憤日之謀
指朝鮮之患以為若不及時圖治數年之後四鄰交迫不能立國已而東師大辱遂有割遼東之事於
是外國蔑視海內離心離德憤迫切難陳大計及時變法圖保疆圉妄謂及今為之猶可補牢如再徘徊
遲疑苟且度日因循守舊坐失事機則外患內訌不容變遷之期月事變之患且夕可致後欲悔改不
東華續錄 光緒一百四十二

商則其垂延於他利可也英國太晤士報論德國勝事慮中國極爲得宜實地雷四伏藥線交通一
感火然四面皆應應乃其借端德國其喧失耳一萬萬膏腴之地四萬萬秀淑之民諸國既既
已久倭賊海盜陳之交衝主者屢經擄掠高臥不醒守者袖手熟視若病狂睡乎可得拾即是如蟻
集而聞風耳至失鹿其逐獲擊數呼其始壯夫動其食指其後老稚亦分杯探諸國咸來井思一掃昔者
安南之役一十年乃有東事則臺之後兩載遂有膠州中東三省龍州之鐵路漢陽之礦土司野人之邊
疆向之自來自爾之後赴機愈急勢益緊事變之來日迫一日教堂遍地無刻不可起震礦產遍地無
處不可求骨肉有限而無已且鐵路與南北之咽喉已絕疆土斥逐用人之大權亦失浸假如埃
及之管其戶部如土耳其之柄其國政樞垣總督皆可派其國人公卿督撫彼且將制其死命權皆親
貴奴隸臣因奴士夫踐踐民庶其則如土耳其之幽廢國主如滿洲之禍及君后又其則如安南之盡
取其土地人民而存其虛號波蘭之宰割均分而舉其國土馬達加斯加以挑水起釁而國滅安南以爭
道致命而社稷燬穴潰堤鮮不在大焉恐自爾之後 皇上與諸臣求爲長安布衣而不可得矣後此數
年中智以下逆料而知必無解免然他事猶可先言之若變辱非常則不惟報國而不忍諸諸黨抑
且泣血而不能出諸口慮小朝廷而求活則胡銓所著待焚京邑而憂憤則蕭蕭所屬此則 中夜屏涕
東華續錄 光緒一百四十二

仰天痛哭而不能已於言者也夫謂 皇上無發憤之心諸臣無愛國之意生以符豈不茫然伏觀
皇上發憤之心昭於日月密勿重臣及六曹九列之賢士大夫愛國之誠顯顯黑色亦且暴著於人顧
日青自強而弱日甚日思防亂而亂日深者何哉蓋南轅而北轍水無源而竭之時緣木而求魚決無得魚
之日曷請其病并粗舉治病之方仲思之諸臣兼弱攻昧取亂侮亡吾以自居於弱昧安能禁人之
兼攻吾既日即於亂亡安能禁人之取侮不知病所而方藥難投不知變症而方劑守其加危萬固也
曷請以仲思之說明之歐洲大國歲入數千萬萬練兵數百萬鐵船數百艘新器新器出數千新法新
將出數萬農工商兵士皆學婦女童孺人盡知書而吾歲入七千萬徵款乃二萬萬則財竭兵銳
艦無一砲兵弱無新器之出則弱兵不識字士不知兵商無學農無術則民智竭人相偷安士無
俠氣則民心弱以當東西十餘新造之強鄰其必不能禁其兼者勢也此仲思兼弱之說可畏也大地八
十萬里中國有其一列國五十餘中國居其一地球之通自明末輪路之盛自嘉道皆百年前後之新事
四千年未有之變局也列國競進水漲堤高比較等若危難難故管子曰國之存亡鄰國有焉聚治而
已獨亂國非其國也聚合而已獨孤國非其國也頃聞中朝諸臣雖承平榮衛之習勇薄其期會之常猶
復以尊王攘夷施之敵國拘文奉例以應外人屢開笑爲人口實等凌寒而衣絛絛當涉川而策高車

納侮招尤莫此爲甚咸同之時既以昧不知變而屢挫矣法日之事又以昧不知變而有今日矣 皇上
堂臨堂崇既與臣民隔絕親親王以藩邸執政亦與士夫不親并有四萬萬人民而執政行權能通於上
者不過公卿臺閣撫撫自人而已自餘百僚萬數無由上達等於無有而公卿臺閣撫撫備資格而致
既已莫足未出外國游歷又以舊幣未近通人講求至西政新書多出近歲諸臣類皆咸同舊學當時未
有年者精義政事雖未暇更事考求或竟不知萬國情狀其弊於耳目世於爵說以同自證以習自安
故賢者心思智慮無非一統之舊說愚者驕倨自高試使其位之私固有以分裂之說來告者傲然不
信也有以促權之謀密聞者漠然不察也諸新法之可以興利則顧曰而諸諸變政之可以自強則掩
耳而走避老吏無文稱歷朝之成法惟然也之者蓋十而六七矣廷臣詰詰諸正學之昌言雖然從之者
又十而八九矣無一事能克其本原無一法能窮其利弊即雖從陳陳腐腐之傳教之
士察我形勝測我虛實言財政詳於度支之司議物產精於商局之冊論內政或較深於朝報陳陳腐腐
更切於奏章舉以相與動形矯屈詭詐一以爲愚一以爲禍況各國競處於聰明而我岸然自安其
愚固將以求免不亦難乎此而望其盡掃舊弊力行新政必不可得積重難返良有所因夜行無燭路馬
臨池今日大愚莫大於昧故國是未定士氣不昌外交不親內治不舉所聞日孤有援難恃其病皆在於
東華續錄 光緒一百四十二

此用是召改此仲思政味之說可懼也自臺事後天下皆知 朝廷之不可恃人無固志奸究生心陳涉
輟耕於隴上石勒倚矚於東門所在而有近邊尤衆伏莽過於山澤教民過於腹背今歲廣西全州潯陽
興安兩郡地西城軍日已見告矣匪以教爲仇讎教以匪爲口實各連枝黨發作待時加以賄賂營行
暴亂於上胥役官差感亂於下亂機過伏即無強敵之倡揭竿而起木已可憂危況漢池盜弄之餘彼西人
且將藉口與師爲我定亂圖初裁流賊而定都京邑俄人逐回匪而佔踞伊犁兵家形勢中外外攪覆車
之轍可爲殷鑒此仲思所謂取亂者可懼也有亡於一舉之割裂者各國之於非洲是有亡於屢舉之
割裂者俄德奧之於波蘭是有有盡奪其政權而一旦亡之者法之於安南是有有偏據其海陸形勝之
地而漸次亡之者英之於印度是也歐洲數強國默成算縱橫實字以取各國股蓋其在覆車可鑒當
此主憂臣辱之日曷亦何忍爲心刺耳之談顧見舉朝上下相顧嗟呀咸淪亡不待中智慮慮歎息
束手待斃者若仰屋而嘆嗟少壯出門而恨恨井至言路結舌疆臣低首不惟大畏於甲申亦且迴殊於
甲午無有結縵骨憐憫國存者生機已盡暮色慘慘氣象如此可慮可懼此真自古所無之事夫至於
公卿士庶偷生苟活候爲歐洲之奴隸聽其犬羊之封縛哀莫大於心死病莫重於癆瘵欲傾之葉不假
於疾風將萎之花不勝於燭手先亡已形此仲思所謂侮亡之說尤可痛也然原中朝敢於不畏分割不

懼死亡者雖出於昧亦由誤於有恃焉夫欲託庇強鄰藉救援亦必我能自立則倚角成勢彼乃輔車
若我為附枝則臥榻之側豈容酣睡齊王建終身幸秦西兵事決勝乃戰一旦敗
續國可破滅俄德力均豈肯為我用兵或敗大局哉此又中智以下咸知難恃者也如以泰西分劃亞洲
連綿互忌氣勢綏突厥頤大藩尚延殘喘波斯盡去權利獨存獨封中國幅員廣袤從容分劃緩緩
支持可歷年所執政之人皆已耄老萬幸一身可免聽其貽禍將來然突厥之回教專制悍強西人所畏
吾則民教柔脆而枯朽波斯之國主奸猾游歷西國盡編君雖親王宰相閉戶而潛修分局早定民心已
變瑞與使臣之奔告各國新報之張皇亞洲諸國近數年間歲有剪滅近且殆盡何不取鑑之禍起旦夕
畢命盡喪而謂少延年載老人可免此又掩耳盜鈴自欺之術也賢臣當先失火不操水呼救而幸火
未至入室竊寶屋燼身焚同歸於盡而已故竊謂諸臣即不為忠君愛國計亦當自為身謀也 皇上
遠觀晉宋近者英歐上承 宗廟孝事 皇太后即不為天下計獨不計及宋世謝后策名降表徽徽移
徙五國之事耶近世諸臣泄洩言路銷口且默窺 朝有一切諱言及事一來相與惶惑至於主辱臣死
雖粉身碎骨天下去矣何補於事不早圖內治而數十王大臣俯首於外交豈惟束手徒增恥辱而已不
能修於平時一旦臨警張皇而求諸豈能補綴徒增貽禍而已故勝勢之來不在此日之難於對付而在
東 華 續 錄 光緒一百四十二

向者之不發憤自強也勢弱至此豈復能進而折衝惟有意於退而結網不避斧鉞履有所陳今日亦
不敢冒冒保國存而已亦不敢冒冒存國為偏安之謀亦須早定規模已耳殷鑒所以殷鑒外患所以
興邦不勝大願伏願 皇上因勝之變下發憤之詔先罪己以勵人心次明恥以激士氣集議材資問
以廣 聖聽求天下上將以通下情明定國是與海內吏治自茲國事付國會議行紆降降廷見臣庶
邊革舊俗一意維新大召天下才俊選籌款變法之方採擇萬國律例定憲法公私之分大校天下官吏
賢否其疲老不才盡皆令冠帶退休分遣親王大臣及俊才出洋其未游歷外國者不得當官任政統算
地產人工以籌歲計豫算國帑失以求進步改良能去舊例以濟時宜大借洋款以賑庶政若
詔旨一下天下雷動士氣奮躍海內將察然後破舊格以勵人材厚俸以養廉恥停捐納汰冗員專職
可以正官制變科舉廣學校譯西書以成人材懸清秋功牌以獎新藝新器之能制農政商學以阜民財
富民之本改定地方新法推行保民仁政若衛生清盜監獄之制刑修道路巡捕巡警市場錢鈔幣制
郵船徒貧民開礦學保民險重稅能從征以鐵路為通以兵船為護天如是則庶政盡舉民心知戴但
天下人心離散當日有恩意慰撫以圖其情志士之志氣勇弱激以強健使使以壯其氣然後盡變民
兵令每省三萬人而加之訓練大購鐵艦須海數十艘而習以海戰 詔令日下百舉維新誠意諒懇

明有切切所有新政 詔書雖未推行德人聞之便當退舍但各國兵機已動會商已紛宜速才望素
重文臣士分游各國結其謀自開新報之館而保太平之局散而論議紛紛矣日以為用此對付
或可緩兵然後雷厲風行力推新政三月而政體略舉期年而規模有成海內回音外國響應矣 皇上
發奮為雄勵精圖治於中國何有焉論者謂病入膏肓雖和緩不能救火燃眉雖焦頭爛額不為
功天遲至此無可挽回況國勢變法而法人禁之軍士馬克作內政而後立美國製造鐵廠而英人禁之
華盛頓託庇島而後成近者英人有禁止出舊機器於我之說俄法欲據我海關鐵路礦務銀行練兵之
權雖欲變法慮擊我之肘雖欲以為不然而少以一成而光復舊物華盛頓無一民尺土而保全美
國況以中國三萬里之地四萬萬之民哉如視 皇上志願何如耳若 皇上赫然發憤雖未能速轉弱
而為強而奮發可圖存於亡雖未能以成功而俄頃可轉弱為治猶有三策以待 皇上決擇焉
夫今日在列大競爭之中圖保自存之策宜變法外別無他圖此談經濟者異口而同詞亦老於交涉之
勞臣所百慮而與易艱難故新事有幾急因時審勢道備圖策其條目之微見者當世之土能言之
前歲已條陳之今不敢泛舉諸君其要者第一策曰採法俄日以定國是願 皇上以俄國大彼得之心
為心法以日本明治之政為政法而已昔彼得為歐洲所擄易裝游法變政而遂霸大地日本為俄美所
東 華 續 錄 光緒一百四十二

追步武泰西改絃而雅視東方此一國者其始遭禍與我同其後底底強與我異日本地勢近我政俗
同我成效最速條理尤詳取而用之尤易指手問 皇上垂意外交披及西學使臣游記泰西述述井經
乙覽不勝翫弄若西人所著之泰西新史屢要列國變通與盛記尤為得要且於俄日一主之事頗有
發明 皇上若採採連人法此一國誠令譯書進此書幾餘披閱倘有日本變政之次第若承 垂採
當編寫進呈 皇上勞精竭慮講之於上編譯諸大臣各投一冊講之於下權衡在握施行自易起義振
靡寧願發其舉動非常更有迴出意外者風聲所播海內僑商可保外人改觀易聽必不敢為無厭
之求盡過味者其瞻瞻見明者則氣怯且慮我地大人眾一旦自強則報復更烈非 皇上洞悉敵情無
以折衝損損然非 皇上採法俄日亦不能為天下雄也其第二策曰大集羣才而謀變政六部九卿諸
司百執事自有才與成可召問者內政之權煩外政之權司計之戶部司法之刑部議之臺諫翰林
尤為要劇宜精選長貳逐日 召見虛已請求若善宜草若善宜因若善先若善後後議議既定次第
施行期年三月成效必顯其第三策曰繼任疆臣各宜變法夫直省以 朝廷為腹心 朝廷以行省為
手足同治以前督撫極重外人獨有忌我之心近歲督撫極輕外人之視我益甚 朝廷苟志存通變宜
通飭各省督撫就該省情形或協力合作或專力致精取用新法行以實政目前不防略異三年要可大